

Gvangjsih Minzczuz Bau

广西民族报 ganhhau: CN45-0036 B.2020 Nd.7 Ng.22 liggaeuq gengcej nienz ndwenloeg co' ngeih

Baihguenjbanh: Gvangjsih
Bouxcuengh Swcigih Minzczuz
Cunghgyau Swvu Veijyenzvei
Biengauj okbanj: Gvangjsih
Minzczuz Bause
Geizsoq: Gungh daih 3433 geiz
Geiz neix 8 banj

Gih Raeuz Youq Namzningz Venjbaiz Laebbaenz Aen Cungsim Faplwd Coenghrens Daih' it Vunz Siujsoq Minzczuz Riuzdoengh

Bonjbauq siusik (gicej Moz Beibei) 7 nyied 15 hauh banhaet, Nanzningz Si Minzczunghveij youq Gvangjsih Vanyi Lizsw Swvusoij banh aen yizsiz ndeu, biengj baiz laebbaenz Aen Cungsim Faplwd Coenghrens Daih' it Vunz Siujsoq Minzczuz Riuzdoengh caeuq ciemhdingh hezyi gapguh. Gungh miz 30 boux doenghboux

doxgven daih aen veij neix, aen lizsw swvusoij neix, Cinghsiu Gih, Sihyanghdangz Gih daeu camgya baez hozdung neix. Ciuq cam rox, neix dwg aen cungsim faplwd coenghrens daih' it coengh vunz siujsoq minzczuz riuzdoengh, ndaej coengh "aenranz minzczuz" han vunz cam faplwd, senhconz faplwd, vanzlij coengh

vunz siujsoq minzczuz riuzdoengh okrens faplwd, coengh vunz siujsoq minzczuz riuzdoengh banh baenz saeh dahraix, banh ndei saeh hojnanz. Dingh le gij hezyi gapguh, couh hauh' ok Nanzningz Si cai gyaak okrens ciuq cidu, gveihfan, fazci guh gij hongsaeh fugsah vunz siujsoq minzczuz riuzdoengh.

SIUSIK DINJ

● 7 nyied 16 daengz 17 hauh, Denzyangz Gih youq dieg guhyiengh daeuz 20 fanh moux nungzlinz swnghdai duetgungz canjnieb banh aenban son boux senj diegyouq hag dinfwngz ganq makgaivaiz. Aen ban neix youz ndaw gih nungzyez nungzcunh giz hawj guh, heuh Gvangjsih Bwzswz Nungzyau coengh son'gyauq, aen yozyau neix nda doenghboux lauxsae sughangz daeuj hwnjdangz. Yiengh sonlien neix guh 2 geiz, geiz miz 40 daengz 50 bouxhag. (Vangz Gozsun)

● 7 nyied 16 hauh, Cauhbingz Yen comz gyoengq cujyin gak cunh (segi) daengx yienh youq Vangzyauz Cin hai aenhoih ciendaenz son cunghgyau cwngcwz fazgveih cihsiz. Miz 50 lai boux cujyin gak cunh (segi), boux guh hong dungjan camgya baez hoih neix. (Cau Ginhbinh)

● 7 nyied 1 hauh daengz 14 hauh, Denhdwngj Yen 96 aen hagdangz cunghag siuhag gonqlaeng mbeguh baenzroix hozdung dawz 《Gogjaeq Gwzming》(mwh 1925 nienz daengz 1949 nienz aendangj raeuz youq Guengjsae baenzlawz hwngfat) cienz hauej ndaw hagdangz, gungh miz 38486 boux hagseng camgya hozdung. Baenzneix guh daezgonq hawz ndawbiengz hwnghoengh hongsaeh angqhoh laeb dangj 100 hopbi. (Hij Vwnzbinz)

● Bineix doxdaeuj, Ningzmingz Yen iuheuh daengx yienh ganbu cizgungh, gij giyez maij coengh vunz caeuq doenghboux gyaenz coengh vunz mbeguh gak cungj hozdung gienhawj cienzngaenz doxgaiq, gien 30 lai fanh maenz doxgaiq hawj "cauhsi boizcingz", 9000 lai vunzbaez ndaej ikleih, baenzneix guh gikcoi vunzlai lai rox gyo' mbaij aencingz dangj, lai maij riengz dangj guhdaih byaij, gyonjrens laemxsim hingzdingh gunggeng duetgungz. (Luz Dezsanh)

● Bineix doxdaeuj, Lingzyinz Yen yawj dieg guhsaeh, habngamj haifat vihhong goeng' ik banggungz. Suenq daengz 6 nyied daej, aen yienh neix gungh haifat gvaq 1061 aen vihhong goeng' ik banggungz, lumj vihhong goeng' ik lajmbanj, boux coengh gaemhhanh binghra q daengj, hawj 1100 boux vunzhong ranzgungzhoj ndaej hong guh, fat 424.28 fanh cienzngaenz boujdiep vihhong gvaq. (Lij Sinvaz)

Vanzgyangh: Vunzlai Geiqmaenh Vah Siz Ginbingz Cungjsuhgi Lai Haenqrens Buekguh

7 nyied 16 hauh, Vanzgyangh Mauznanzczuz Swciyen youq Gyongluengz Gvangjancz guh hozdung "geiqmaenh vahdaengq Siz Ginbingz cungjsuhgi roq gyong buekguh yamq baenaj" — langhbaij minzczuz vwnzva caeuq fanh vunz doengzcae guhmieng, baenzneix doinyoengx vunz gak minzczuz aen yienh neix ciuq gij vah Siz Ginbingz bae hengz, caezhoz gyonj rengz, gyo' mbaij aencingz haenqrens buekguh, laemxsim aeu hwngfat lai ndei, laeb aenbiengz siujganh hingzdingh, saedcej yied gvaq yied hoengh. Bineix 5 nyied 9 hauh, aen yienh neix duetgungz lo. (Mungz Cwnghsw ingj)

Gyanghcouh Gih Guh Gij Hanghmoeg Cienzngaenz Hwngfat Siujsoq Minzczuz Bineix Liuxcaez Gvaq

Bineix doxdaeuj, Cungzcoj Si Gyanghcouh Gih gyonjrens guh hong gunggeng duetgungz, yungh ndei 629 fanh gij cienzngaenz hwngfat siujsoq minzczuz youz baihgwnz bued hawj aen gih neix, hwnqguh aen gunghcwngz gwnraemx ancienz ndeu, 6 diuz gungh 13.53 goengleix roensuijniz doeng mbanj, nangqdaengz lai aen cunh mbanj ndaw Cojcouh, Dozluz, Nazlungz daengj yanghcin aen gih neix, 12000

vunz ndaej ikleih. Suenq daengz 7 nyied ndawcib, Gyanghcouh Gih guh gij hanghmoeg cienzngaenz hwngfat siujsoq minzczuz bineix liuxcaez gvaq. Ciuq cam rox, aen gih neix haenqrens guh ndei hong nduj hanghmoeg, doxgap doinyoengx doeksaed hanghmoeg, gyaak guenj ndei cienzngaenz hanghmoeg, cawz gijneix ok mbouj suenq, vanzlij gyaak gamguenj hanghmoeg dem. Bineix guh 7 aen hanghmoeg, cungj

nda ndei bouxlauz guenj aen hanghmoeg lawz, nda 2 roxnaeuz 3 boux ganbu ndaw cunh mbanj dangdieg guhdaih guenjeix hanghmoeg, lij okcienz cingj vunz gamleix gij hanghmoeg vunz gwnraemx, aen aen hanghmoeg cungj miz vunz gamjguenj, mbaekmbaek hong cungj miz boux gamguenj, baez raen miz vwndiz couh gibseiz cawqleix, heuh vunz gajindei. (Mungz Yaujcingh)